

道法會元卷之九十八

九天碧潭雷禱雨大法

主法

浮黎元始天尊

昊天玉皇上帝

后土皇地祇

九天雷祖大帝

九天應元雷聲普化天尊

神將

雷霆飛火掌令大神陶勝 公濟

肉角紅髮青面雙目鶴喙青身四翅龍爪

手足左握雷局右仗劍紅裙仙帶

雷霆欵火律令大神鄧熒 伯溫

肉角紅髮青面三日鷹喙青身兩翅龍爪

手足左執雷砧右執雷槌作揮打之勢紅

裙仙帶

雷霆猛吏判官辛炁 豐稟

戴半耳幘頭青面銀牙綠袍束帶白袴卓

執左手執雷簿右手執火筆

雷霆飛捷使者張珏 元伯

都六

肉角紅髮青面雙目鷹喙青身雙肉翅龍爪手足紅裙飛仙帶

如連召雷神執勅召雷神卓旗腰懸巨斧

搖撼旗幟如少刻召雷四壇之時却捧旗

於腰間雙手用力揮執長柄巨斧開通雷

路猛作奮劈之勢引領萬萬雷神喧轟如

雲而至

如召遣齋章奏則交脚幘頭紅抹額赤面

圓目紅袍綠靴左執章表右執斧如宜符

狀有破罡風流金火鈴開天門諸神皆從

之

○

天雷部神雷部雷神萬萬衆

肉角鷹喙金睛雙翅龍爪手足風裙仙帶

即先天雷公也祈雨各黑面身托水號黑

梵號也驅水獸豹猢猻蚘也萬萬成羣噴

雨行事

祈晴各赤面赤身托火號紅梵號也拒塞

天河驅火獸虎猪猴蛇也萬萬成羣噴火

行事也

祈雪各白面白身托雲號白梵號也驅水

獸豹猢猻蚘也萬萬成羣噴雪行事

龍雷部雷神萬萬衆

人首龍鱗身雙翅龍爪手足即是西南溟

火光流精君也所托所驅與天雷神雷同

水雷部雷神萬萬衆

人首龜身雙翅龜爪手足即東南溟玉雷

皓師君也所托所驅與天雷神雷部同

社令雷部雷神千百億萬衆

鬼面全身鐵甲鐵兜鍪各執雷器所托所

驅與天雷神雷部同

○

水雷神部從萬萬衆

黑面黑髮金甲早袍左運水輪右仗劍號

足乘三足能噴水萬萬水獸成羣從之

火雷神部從萬萬衆

赤面紅髮金甲紅袍左運火輪右仗劍號

足乘火龍噴火萬萬火獸成羣從之

二十四炁神

七十二候神

日月交會圖

行功打坐結鍊內事依此時辰下工夫乃日



甲巳龍飛雞正啼乙庚虎嘯喜羊肥丙辛免走猴相應丁壬牛馬對衝之戊癸鼠頭蛇記取此方煞悉實天機飛罡拍訣焚符命頃刻雷轟霹靂隨

假如甲巳日就辰上飛罡至酉上餘做此

流金凶星

冬至後 子時在午丑時在未  
大寒後 子時在未丑時在申  
雨水後 子時在申丑時在酉  
春分後 子時在酉丑時在戌  
穀雨後 子時在戌丑時在亥  
小滿後 子時在亥丑時在子  
夏至後 子時在子丑時在丑  
大暑後 子時在丑丑時在寅  
處暑後 子時在寅丑時在卯  
秋分後 子時在卯丑時在辰  
霜降後 子時在辰丑時在巳  
小雪後 子時在巳丑時在午

祈雨起雷請雲符

總分八字威攝萬靈備錄乾坤 動四溟之

水磨凌日月掀騰五嶽之雲

祈雨黃紙黑書起雷黃紙朱書請雲阜紙粉書符上先脰字日君呪次胸字月君呪月合日黑色次梵號就上書符符身中祈雨重又坎卦起雷重又震卦請雲重又兌

卦改作雷字就田字上入玄次疊書天皇伽耶霹靂攝百字呪塗又看陰日加龜龜龜陽日加龜龜龜百字呪塗雙翅足下亦如此重又卦如上一般作用百字呪塗五五圈出筆書畢行坐功法持請法中行兩起雷請雲隨意念諸呪遣發之

祈晴符

四翅直撇五火炎赫拍散陰翳露開星斗之光推出曦輪烘燥晴和之炁  
紅紙朱書符頭上先胸字月君呪次脰字日君呪日合月紅色次梵號就上書符符身中重又離卦改作雷字就田字上入玄次疊書天皇伽耶霹靂攝百字呪塗不拘陰陽日加龜龜龜百字呪塗四翅直堅翅兩邊各一火兩足各一火頭上一火字足

下再如此重又離卦改雷字一般如上作用百字呪塗運五圈出筆書畢打坐行功持請法中火呪大威德呪諸法中祈晴呪遣發之


入玄

符中雷字上於白之四角入水火星宿祈晴虎猪猴蛇祈雨請雲豹偷猴蝎田字中間入暗曜制之暗曜者西南坤位戊申方箭參之間有以暗曜名天猗星象頭黃虎身仗劍立於萬道金光中乃能節制諸星無不聽命在人世食銅鐵在水食蛟龍在天節制星辰南斗乃斗木獬諸星見之無不畏伏

筆法

臂 首 身 脚 手  
後腰加 風 雨  
五筆 帶 翅  
各六

靈靈靈 靈靈靈 靈靈靈



密室書符畢再理會坐功法運神入符  
 師曰踏翻斗柄天昏暗倒捲銀河雲浪飛即  
 此道也凝神入靜存混沌中嬰兒神誦金光  
 呪化身雷祖大帝存青天之上無一點雲翳  
 左日右月存吾頂上正面之前有南斗空玄  
 之中有北斗祈雨月合日黑祈晴日合月紅  
 一天星宿俱入合璧之中作一團金光中有  
 梵身微微吸引入碧潭此時頂上北斗  
 從吾頂門入于心中中心火下降腎水上升二  
 炁混合於碧潭梵身之中雷帝雷神擁護運

祖炁提出頂門則心中斗。如此從頂  
 門出此時碧潭中天地雷神擁護梵身皆隨  
 心中北斗都從頂門出奔入正南斗中去  
 只見天河中黑雲揜蓋雷聲隱隱神誦前百  
 字呪起雷呪運雙雷局揮擊南斗黑雲中去  
 忽發霹靂一聲乾坤撼動見天河中張使者  
 領萬萬雷神騎龍驅獸風雲雷雨雷出天雷  
 神雷萬神掀翻天河水傾下黃河中衝起黃  
 河中龍雷萬神與波作浪奔入江河中水雷  
 萬神與波作浪三河之水俱發然後水底社  
 令雷神發出火燄從水底發起驅逼得龍水  
 二部雷神各各逆捲水升入天河也  
 吾身中雷神亦從碧潭中出自身三河水亦  
 如此倒流逆捲而上水底火發從尾間直上  
 泥丸也吸引入符中此時我之神炁亦  
 奔入符中  
 若祈晴陶大神為頭領萬萬雷神騎火龍驅  
 火獸噴火行事以梵號推塞天河黃河江河  
 都閉塞了但見六合中赤天火燄念威德呪  
 發火羣獸吐火紅日麗天

身中天地  
 頂為崑崙崑崙之上為靈池故腦頂為天河  
 天雷部神雷部居之  
 口為玉池舌為華池舌下為玄膺珠龍氣管  
 也喉嚨為重樓中有八瓊素液口中之液玄  
 泉也玉漿也玉液也玉泉也玉津也醴泉也  
 喉龍氣管為通津之岸也所以上通天河下  
 接黃河  
 臍為氣海臍在胞上曰黃津為黃河龍雷部  
 居之  
 腎為水宮九液交連百津流通故為江河水  
 雷部居之  
 小腹亦為玉池連及尾閭乃在江河之下社  
 今雷部居之  
 膽為中池眉頭一寸為明堂泉脈貫串氣管  
 流達如海之元也中黃一竅為碧潭萬神都  
 會之地也  
 師曰此法若欲只獨召役一神却依龐劉符  
 中作用書符  
 鄧帥符





丁卯那怛奴 呂弼  
丁亥喝怛奴 何洲  
得氣用甲逆奪甲

甲寅竭帝呵咧女 葉昌之  
甲申竭婆呵咧女 江澹

甲子波奴呵咧女 包良  
甲戌伽义呵咧女 尹方呈

甲午摩登呵咧女 黃明  
甲辰毗咧呵咧女 印光達

書本句方本句方氣訣天罡炁激之

請頌天寶梵號法

祈雨黃紙黑書祈晴紅紙朱書祈雪黑紙白書

並依法焚香入室作用梵號吸入所書紙上號中捲於奏狀內奏聞頒降施行

祈雨奏云破江河驅龍行雨玉符謹謹隨狀

奏進伏乞頒降三界施行

祈晴奏云塞江河收龍止雨玉符謹謹隨狀

奏進伏乞頒降三界施行

祈雪奏云破江河驅龍行雲玉符謹謹隨狀

奏進伏乞頒降三界施行

凡行符發奏書篆並不許人知見否則不靈徒費心力

每日燒香朝會

旦暮壇中焚香凝神存雷神在頂上空我

身化為雷祖大帝却運火降水升二氣相交凝結為梵號如此了見上日月合璧降一梵號吾運出身中梵號合而為一頂上空雷神見此梵號如龍守珠聽令而行也

登壇策役

依法存運梵號吸手掌中念百字呪左右手

搓擦存天地反覆撒入天河中存天河水降注水盂中化水盂為江海存自身化為龍吸水盂江海中水噴入天河即倒捲黃河雲浪飛之意也

藏輝掩月

用白瓦盆一箇白碗亦可如藏輝念日君呪以朱砂畫一日如掩月念月君呪以雌黃畫一月於盆碗中以鍋底墨研細并花水調勻十分濃傾浸盆碗中對太陽太陰供養以黑

紙黑書雷神符二道召張使者苟畢皆卓衣

托山出黑雲仗劍從合璧梵號中降念百字呪天黑呪作用入符中先以此符一道燒黑

水盆中又別磨濃黑墨和鍋底墨蘸筆就水盆中念呪書苟畢符於水中與所燒符灰

就以筆塗運存天地日月山川皆黑暗了却運兩臂黑氣併取天罡炁布之入水盂中就吸一口噴太陽太陰了再以蘆竹四莖作

井字閣水盆上用黑紙錢連雷神符苟畢符各一道燒水盆上但見黑雲黑霧從水盆騰

空彌漫而上昏黑天地日月俱暗

苟畢符

噓噴噴噓噴連降攝運心腎氣混合中宮提起從兩日出為二神

次念

烏龍連卓漆墨黑天地山川如墨黑日月星

宿黑墨黑羅候計都土宿黑噓噴叱咧勝攝

疾



右符且如要起東北方雲以黑筆於水中念呪運東北方一角餘以意詳之如要雲散以白紙一張鋪搭在黑水上收起墨則天上即散如要凝結不散以所用筆就浸在水盆碗中如要散收起書符筆傾水在井中即便散

雷神出入會合婦藏日時

六戌出六丙會六辛合六巳入六癸婦六壬藏  
遇合可用過藏不可用三十六日三十六時一日之中取一時之事一時合一方一方合四方兩至便可知幾寸幾分

時與雷合克時報應過婦八藏之時不可用也又要看天干地支相生則兩相尅則晴又看過星殺并看四季氣候旺相休囚審詳之

六戌出

辰巳寅子丑戌寅申午午戌時出也

六丙會

寅巳子酉戌丑申寅午午辰戌時會也

六辛合

未巳巳酉卯丑寅寅亥午酉戌時合也

六巳入

巳中卯子丑辰亥未酉卯未未時入也

六癸婦

酉申未子巳辰卯亥丑卯亥未時婦也

六壬藏

申申子子辰辰寅寅午卯戌未時藏也

雷雨風雷霹靂方

子午卯酉 辰戌丑未 寅申巳亥

順輪雜霹靂例在風伯前一位

雷公電母風伯雨師霹靂

子日 子 卯 午 酉 巳  
丑日 丑 辰 未 戌 午  
寅日 寅 巳 申 亥 未  
卯日 卯 午 酉 子 申  
辰日 辰 未 戌 丑 酉  
巳日 巳 申 亥 寅 戌  
午日 午 酉 子 卯 亥  
未日 未 戌 丑 辰 子

申日 申 亥 寅 巳 丑  
酉日 酉 子 卯 午 寅  
戌日 戌 丑 辰 未 卯  
亥日 亥 寅 巳 申 辰

假如子日雷公在子雨師在卯風伯在午電母在酉霹靂在巳若發雷時看屬甚時如在午時登壇作法步罡行持至焚符處再步召雷罡翻身背時宜方作法劍指本方喝云狂風大作立要雨來凡燒符作法須望雷公雨師方行持甚應

透天關飛星方

甲寅 乙卯 丙戌 巳 丁巳 午 庚申

辛酉 壬戌 癸子

守位 召城隍社令 行壇 行壇擊劍

傳音 下令召雷 直符 召符使叩背

雷公 召雷起雷 風伯 起風

雨師 召雨師 唐符 祈晴 月事 吉

國印 祈晴 子祿 出將 出行 吉

入相 避難 電母

金光呪役神但要雷風雨電四位與諸凶

星惡煞臨併相戰為妙

又法

五雷直符土 天部靈雷金 地雷社府水

風伯木 雨師水 雷公火

風雲木 唐符吏 祈時國印 祈晴

天關金 地軸土 六合水

煞炁方

大煞正朝起戌鄉二蛇三馬四居羊五寅六卯七辰止八亥九子十牛當十一十二居中酉此是雷霆大煞方

暗金煞方 七元甲子例

第一虛張室軫求二奎克胃到房州三畢尾參猶見斗四鬼女虛危月遊五翼壁角婁金狗六戌昂心驚火猴七箕井畔牛邊柳歲歲還依曆日頭

尋金例

七曜從來會者稀日虛月鬼火從箕水畢木戌金奎上土宿還從翼位推會者一元移一例不會七元七首詩此是神仙真妙訣夜半還從起子時

伏斷

子虛丑斗寅嫌室卯女辰箕巳怕房午角未張申怕鬼酉箭戌胃壁猪當  
一元 二元 三元 四元 五元 六元 七元  
虛 奎 畢 鬼 翼 戌 箕

暗金

亢金龍 牛金牛 婁金狗 鬼金羊  
日虛 鬼 箕 畢 戌 奎 翼  
月鬼 箕 畢 戌 奎 翼 虛  
火箕 畢 戌 奎 翼 虛 鬼  
水畢 戌 奎 翼 虛 鬼 箕  
木戌 奎 翼 虛 鬼 箕 畢  
金奎 翼 虛 鬼 箕 畢 戌  
土翼 虛 鬼 箕 畢 戌 奎  
盤天經云神妖須辨鬼婁金時日依方次第  
尋尋到雷霆金火上若逢伏斷枉勞心  
師曰水即龍雷也妖即社雷也水雷金星主之神雷鬼宿主之妖雷婁宿主之鬼宿居未屬金婁宿居戌屬金星主之煞方西方之煞炁也凡動雷輪日時方位日時到處即方

位也此二星或得一星轉到方位與金虎大煞同處便以金虎符下之雷神即起如鬼宿到即神雷動如婁宿到即妖雷動只最忌星入伏斷決不可動雷神也  
盤天經云箕畢有方并有日隨日尋求看時

直撒動公文不可無煞亦起雷在呼吸

師曰箕畢二星箕之位在天東北方與尾宿同在寅位每宿管四刻正畢宿主雨發者潤澤居酉與昂胃二星同在酉位每宿管二刻七分與箕宿相對此在天之永躔舍也逐日逐時又盤遊天罡之間日時所在即方位之所在也凡祈禱須尋此二星所在以布星有依方逼之起風雨可以立待雷法中有符撒勒合起雷之妙星宿之方不可不知凡呼召雷神決不可無此或以鐵符擊之於畢宿方是其妙也  
盤天經云太極真數起實三九到七方為真滿十除九是煞數此數到來喚雷霆  
師曰太極真數即甲巳子午九乙庚丑未八丙辛寅申七丁卯酉六戊癸辰戌五己亥



四算年月日時干支滿百除九十滿十除九  
數合三七九數此方煞伐數也水一火二木  
三金四土五坎離震兌中坤雷神所到方位  
合三七九數星宿所到之方更逢此數又與  
金虎大煞流火凶星煞炁同處則霹靂可以

立待看方位屬何卦即以五行推之

玉京雷文云天罡對衝為大煞謂之煞炁也  
盤天經云支干十二尋雷路良巽坤乾方上  
布雷公風伯雨師神縱不推尋亦無誤

師曰正寅二巳三申四亥五寅六巳七申八  
亥九寅十巳十一甲十二亥周而復始此是

紫府神方雷路也假如七月尋雷路只是申  
方餘自詳而求之亦要相關諸煞方此只管  
一時用節年月日並不管十二箇月不出寅

甲巳亥四宮也更看玄女透天關十二時飛  
星法尋雷公風伯雨師以符文召之決無誤  
矣

金火大煞方非金虎也自有金虎大煞

宗師所秘甲巳龍飛雞正啼者是也法師念  
呪從辰上飛罡過酉上掐訣焚金符存金虎

大神紫黑三目散豎赤金髮緋衣左國印右  
執金戟騎白虎有萬萬雷神列陣屯駐黑雲  
中轟雷掣電殺氣騰空得者秘之

又流火凶星方上有流火凶星五 青面赤  
髮衝天騎龍火焰紅衣左執鐵券右持劍有

萬萬雷神流鈴擲火在大雲中大雲高處有  
一火星如毬大如日初出海紅念呪飛罡掐

訣焚大符策役星君怒以劍指火雲中大雲  
燦爛流過金虎方黑雲中去此時萬神亦奔

衝黑雲去但見雲中雷神撥亂金火交戰攻  
擊風雲雷雨電五事震動乾坤五嶽俱搖風  
雨立至

道法會元卷之九十八

道法會元卷之九十九

昊天金闕五雷祈禱秘法

師云雷為天地造化之神雨乃天地生育之  
德風雲雷電雨雹霹靂延施恩布德以起雷  
者各有力士掌之五雷屬五方結成五炁混

元之真炁謂之天雷陰陽從而生殺焉除五  
雷正司之外則風雷雨部自有雷神鼓操以

助推車起水而生萬物以是推之則風雲雷  
雷雨電霹靂之神其功非細行法之士當具

奏昊天金闕發申雷霆諸司請將關兵以助  
神功可以祈求可以擊伐可以治病可以伏

邪由是而仙階不遠矣敬之慎之

雷神位

欽大元帥鄧伯溫

邵陽引領將軍賀志

耀目威神安道

雷公大神許象

風伯仙官田惠

雨師仙官蔣元

東方使者黃述

都七